


PRAVILA KONKURSA ZA DODJELU SPONZORSTAVA I DONACIJA U 2021. GODINI



Raiffeisen BANK d.d. Bosna i Hercegovina raspisuje Konkurs za dodjelu sponzorstava i donacija u 2021. godini na teritoriji Bosne i Hercegovine, za projekte namijenjene pomoći osobama starosti do 18 godina i osobama pod starateljstvom te u vezi jednog od sljedećih navedenih područja:

- 1. Obrazovanje**
- 2. Kultura**
- 3. Humanitarno djelovanje**
- 4. Sport**
- 5. Okoliš**

Naziv

- KONKURS ZA DODJELU SPONZORSTAVA I DONACIJA

Vrijeme trajanja

- 01.03. – 09.04.2021. godine
- Sve prijave na Konkurs mogu se podnijeti najkasnije do 09.04.2021. godine do 16 časova na način kako je to definisano ovim pravilima u dijelu „Način prijave projekata“

Uslovi učešća

- Učesnici Konkursa mogu biti samo pravna lica (udruženja, savezi, klubovi, javne ustanove i druge vrste institucija/organizacija), s registrovanim sjedištem u Bosni i Hercegovini, čiji su projekti isključivo namijenjeni za pomoć osobama starosti do 18 godina i osobama pod starateljstvom
- Učesnik Konkursa može prijaviti samo jedan projekat u jednoj od definisanih pet kategorija
- Učesnik Konkursa može prijaviti samo onaj projekat čija je realizacija planirana u periodu od 01.08.2021. do 31.07.2022. godine
- Učesnici Konkursa sami snose troškove prijave na isti
- Između učesnika Konkursa s jedne strane te Raiffeisen banke i/ili njenih zaposlenika s druge strane, ne smije biti bilo kakvih sukoba interesa (npr. rodbinske veze)
- Pravo učešća na Konkursu nemaju političke partije, kao ni pravna lica sa političkim predznakom

Način prijave projekata

- Neophodno je preuzeti elektronsku Prijavnicu za Konkurs sa web stranice banke www.raiffeisenbank.ba
- Prijavnicu je potrebno elektronski popuniti, isprintati i zajedno sa pratećom dokumentacijom poslati putem pošte na sljedeću adresu:

Raiffeisen BANK d.d. Bosna i Hercegovina
Marketing i korporativne komunikacije&upravljanje održivošću
Zmaja od Bosne bb (Zgrada „A“)
71000 Sarajevo
sa naznakom “Konkurs za dodjelu sponzorstva/donacija”

Kompletiranu dokumentaciju za prijavu na Konkurs moguće je dostaviti/predati i na Protokol Banke na istoj adresi.

■ Prateću dokumentaciju koju je **neophodno priložiti uz Prijavnicu čini:**

1. **Opis projekta** sa navedenim planovima, ciljevima, očekivanjima, načinom evaluacije itd., ne duži od četiri stranice A4 formata kucanog teksta u fontu *Times New Roman*, veličine slova 11 ili 12
 2. **Finansijski plan projekta** (prihodi, rashodi, plan izvora finansiranja)
 3. **Kopija rješenja o registraciji** udruženja/organizacije nosioca projekta – i to sa posljednjim statusnim izmjenama, ne starijeg od 6 mjeseci
 4. **Kopija lične karte** odgovornog lica udruženja/organizacije nosioca projekta
 5. **Finansijski izvještaji (bilans stanja i bilans uspjeha)** o poslovanju udruženja/organizacije nosioca projekta u 2020. godini
 6. **Biografije** voditelja projekta i odgovornog lica udruženja/organizacije nosioca projekta
 7. **Instrukcija za uplatu sredstava samo u slučaju da je nosilac projekta javna ustanova koja posluje trezorski;** instrukcija treba sačinjavati sljedeće podatke: broj transakcijskog (trezorskog) računa, ime banke kod koje se isti vodi, vrstu prihoda, šifru općine i broj budžetske organizacije
- Podnošenje prijave na Konkurs podrazumijeva predaju kompletirane dokumentacije na poštu ili direktno u prostorije Banke do definisanog vremenskog roka
 - Dostavljena dokumentacija za prijavu na Konkurs se ne vraća učesniku Konkursa bez obzira na ishod prijavljenog projekta
 - Raiffeisen banka zadržava pravo tražiti učesniku Konkursa i dodatnu dokumentaciju koju je isti u obavezi obezbijediti u traženom roku (npr. uvjerenje o nevođenju krivičnog postupka i sl.); u slučaju ne dostavljanja iste u definisanom roku, Banka zadržava pravo eliminisati učesnika sa Konkursa!

VAŽNO!

Na Konkursu se neće razmatrati:

- prijave fizičkih lica,
- prijave projekata koji se ne odnose na definisana područja i kategorije korisnika, kao i definisani period planirane realizacije istih,
- prijave koje se podnesu nakon definisanog vremenskog roka,
- prijave koje ne budu sadržavale kompletiranu dokumentaciju definisanu ovim pravilima (Prijavnica i prateća dokumentacija te dodatna dokumentacija koju Banka zadržava naknadno tražiti učesniku!)

Način odabira projekata

- Odluku o dodjeli sponzorstava/donacija donosit će posebna komisija koju imenuje Raiffeisen banka
- Raiffeisen banka zadržava pravo dodijeliti sponzorstvo/donaciju učesniku Konkursa u djelimično zatraženom iznosu

Objava rezultata

- Rezultati Konkursa objavljuju se najranije 70 (sedamdeset) dana od dana zatvaranja Konkursa i to u dnevnim novinama Dnevni avaz, Dnevni list i Euroblic te na web stranici banke www.raiffeisenbank.ba
- Odobreno sponzorstvo/donacija i uplata sredstava dalje se realizuju u skladu sa procedurama Raiffeisen banke o čemu se svaki dobitnik sponzorstva/donacije naknadno blagovremeno informira
- Dobitnici sponzorstva/donacije dužni su, na zahtjev Raiffeisen banke, u bilo kojem trenutku, dostaviti pisani izvještaj i dokaze o realizaciji projekta za koji je Banka sredstva odobrila i uplatila